

Indzima ye-SAHRC

Ikhomishani Yemalungelo eLunfu eNingizimu Afrika (SAHRC) ingumtimba lotimele losungulwe nguMtsetfosisekelo kute ucaphe, uvikele uphindze utfufukise emalungelo elunfu eliveni lakitsi.

INingizimu Afrika inebanfu labahlala etindzaweni tasemakhaya labangetulu kwetigidzi letingema-20. Umtsetfosivivinywa Wetinkantolo Tendzabuko (TCB) wabhalwa ngephandle kwekubandzakanyeka kanye nekubonisana nemimango yasetindzaweni tasemakhaya. I-SAHRC itfole tikhalo letinyenti letimayelana nekungabikho kwelwazi lolutsintsa lokucuketfwe kanye nemtselela we-TCB, lokufaka ekhatsi kubonisana ngesikhatsi seluhlelo lwekubhalwa kwayo.

Luhlelo lwemtsetfo wetemasiko wase-Afrika lubalulekile etimphilweni tebanfu labanyenti labahlala kulelive. Emtameni wekuphendvula umbuto wekutsi kungentiwa njani ncono kufinyelela entsandvweni yelinyenti, bulungiswa lobeyeme kumalungelo lobuhloswe nguMtsetfosisekelo, kudzingekile kufaka kubandzakanywa kwesive kuto tonkhe tinhlelo tentsandvo yelinyenti, ngisho nalabo labasetindzaweni tasemakhaya. I-SAHRC ivuma umtsetfo wetemasiko lofufuka ngekuhambisana netimo letigucukako temhlaba nalohambisana nemtsetfosisekelo wefu.

I-TCB, uma iba ngumtsetfo, ingaholela ekuhlukunyetweni kwemalungelo abomake kanye nemindeneni yabo. Nakubukwa umlandvo wekuphatfwa kwabobabe kanye nekungavetwa ngalokungiko kwelubandlululo, i-TCB itawukwati kuchubeka nekubandlulula bomake.

Emandla ekubusa hulumende uwanikwe banfu kantsi kumele asebentele banfu. Kubalulekile kutsi i-TCB isombulule tinkinga letikhona kuyo. Labo labanemandla kumele balalele imimango yasetindzaweni tasemakhaya baphindze bente imitsetfo letawuvikela emalungelo abo.

Nakhona i-SAHRC inemandla netinsita letincane, isebentisana naletinye Tikhungo teSehluko 9 kanye netinhlango letingekho ngephasi kwahulumende (NGO) kute basite imimango ekucinisekiseni kutsi tikhalo temalungelo elunfu tiyasonjululwa ngalesikhatsi kubhalwa i-TCB kwesibili.

Inhloso ye-SAHRC kugucula ummango, kuvikela emalungelo kanye nekubuyisela sifunt!

TSINTSANA NATSI

Iwebhusayithi: www.sahrc.org.za
I-imeyili: info@sahrc.org.za

Lihhovisi lelikhulu

Forum 3, Braampark Office Park, Braamfontein, JOHANNESBURG

☎ (011) 877 3600 Fax: (011) 403 0684

Mpumalanga Kapa

4th Floor, Oxford House, 86–88 Oxford Street, EAST LONDON

☎ (043) 722 7828 • Fax: (043) 722 7830

Freyistata

50 East Burger Street, 1st Floor TAB Building BLOEMFONTEIN

☎ (051) 447 1133 • Fax: (051) 447 1128

Gauteng

2nd Floor, Forum 3, Braampark Office Park, 33 Hoofd Street, Braamfontein, JOHANNESBURG

☎ (011) 877 3750 • Fax: (011) 403 0668

KwaZulu-Natal

First Floor, 136 Margaret Mncadi, DURBAN

☎ (031) 304 7323/4/5 • Fax: (031) 304 7323

Limpopo

1st Floor, Office 102, Library Garden Square, Corner of Schoeman and Grobler Streets, POLOKWANE

☎ (015) 291 3500 • Fax: (015) 291 3505

Mpumalanga

4th Floor Carltex Building, 32 Bell Street, NELSPRUIT

☎ (013) 752 8292 • Fax: (013) 752 6890

Nyakatfo Kapa

45 Mark and Scott Road, Ancorley Building, UPINGTON

☎ (054) 332 3993/4 • Fax: (054) 332 7750

Nyakatfo Nshonalanga

170 Klopper Street, RUSTENBURG

☎ Tel: (014) 592 0694 • Fax: (014) 594 1089

Nshonalanga Kapa

7th Floor, ABSA Building, 132 Adderley Street, CAPE TOWN

☎ (021) 426 2277 • Fax: (021) 426 2875

SISWATI



UYINI UMTSETFOSIVIVINYWA WETINKANTOLO TENDZABUKO BILL?

Ummango utibandzakanya kuMtsetfosivivinywa Wetinkantolo Tendzabuko ngesikhatsi setifundvosikolo



Ummango utibandzakanya kuMtsetfosivivinywa Wetinkantolo Tendzabuko ngesikhatsi setifundvosikolo

Kuguculaummango

Kuvikelaemalungelo

Kubuyiselasitfunt!

Uyini Umtsetfosivivinywa Wetinkantolo Tendzabuko?

Sendlalelo:

- Umtsetfosivivinywa Wetinkantolo Tendzabuko (TCB) wefulwa kwecala Litiko Letebulungiswa Nekutfufukiswa Kwemtsetfosisekelo ePhalamende nga-2008, kantsi bekuhloswe ngawo kuniketa luhlaka lwetemtsetfo nekuvunywa kwetinkantolo tendzabuko kanye nemtsetfo lophatselene nemasiko kutsi uhambisane neMtsetfosisekelo.
- Luhlelo lwekubhalwa kwe-TCB belwandze ngekungabi nekubonisana nemimango linyenti layo lekunguleyo lengakavikeleki. Kwaboniswana nebaholi bendzabuko kuphela. I-TCB yakucala yaphikiswa badlalindzima ngetizafu letinyenti leifaka ekhatsi inchubo kanye nekucina kwayo.
- Yona leyo TCB, lenekukhatsateka lokwavetwa ngaphambilini, yaphindze yefulwa futsi Emkhandlwini Wefifundza Wavelonkhe (NCOP) nga-2012 kute kutfolakale timphendvulo letivela etifundzeni, ngekusebentisa tiwombe tekuva luvo lwe.tifundza.
- I-NCOP yehluleka kulawula kubonisana nebantfu basetindzaweni tasemakhaya ngendlela letawucinisekisa kutsi wonkhe uveta imibono yakhe ngaphandle kwekwesaba nobe kwentelwa umusa – lokuyintfo lebalulekile ikakhulukati kulabo labavame kunganikwa ematfuba.
- I-SAHRC, ummango, kanye nalabatsintsekako baphindze baphikisana ne-TCB ngekutsi bente tetfulo temlomo naletibhaliwe, baphindze babamba lichaza etinkhulumeni tetifundza tekulalelwa kweluvo.

Umtsetfo wenzabuko:

- Sigaba 211 seMtsetfosisekelo siniketela kutsi sikhungo, simo kanye nendzima yebuholi bendzabuko kuvunywe futsi kulandzele uMtsetfosisekelo.
- Buholi bendzabuko bebusebolomane buhamba embili ekuhlelenjiseni nasekusonjululweni kwekungevani emimangweni yasetindzaweni tasemakhaya, kusukela ezingeni leliphasi kuya kulelissetulu.
- Kubalulekile kutsi indlela lokulalelwa ngayo emacala kutinchubo tetemasiko itijale umcondvo wekutetsemba kumacembu.
- Umtsetfo wenzabuko uniketela ngemaphuzu lavumelanako bahlali basetindzaweni tasemakhaya lokumele babhekise kuwo, kantsi futsi uhambisana netinkhambiso tekwehlukahlukana kwemasiko emmangweni wefu.
- Kubalulekile kuvuma tinkhambiso netinchubo temasiko kanye nekufuna kuphakamisa lokwatiswako emasikweni aseNingizimu Afrika. Tihlinterkelo letahlukene kuMtsetfosisekelo tiyakuvuma loko, njengemtsetfo lovamile, umtsetfo wemasiko nyalo sewulandzela futsi kumele uhambisane
- Kubalulekile kuvuma tinkhambiso netinchubo temasiko kanye nekufuna kuphakamisa lokwatiswako emasikweni aseNingizimu Afrika. Tihlinterkelo letahlukene kuMtsetfosisekelo tiyakuvuma loko, njengemtsetfo lovamile, umtsetfo wemasiko nyalo sewulandzela futsi kumele uhambisane neMtsetfosisekelo.

Tinkinga ngale-TCB lekhona nyalo tifa-ka ekhatsi:

- Kungabikhona kwekubonisana nebantfu basetindzaweni tasemakhaya ngesikhatsi seluhlelo lwekweniwa kweluhlaka kanye nekubonisana lokuyinkinga mayelana ne-TCB;
- Kwakhiwe emasethi lamabili lehlukene ekufinyelela kumalungelo etebulungiswa: yinye yalabo labahlala emihlabeni yasetindzaweni tasemakhaya; lenye yeNingizimu Afrika yonkhe. Loku kuyefana neluhlelo lweLubandlululo lwetindzawo lebetatiwa ngeTabelo;
- I-TCB ayivumeli kutikhetsela. Umtsetfo nenchubo yemasiko iyehluka ngemimango lapha eNingizimu Afrika kantsi uyincenye yekunotsa kutemasiko kanye nekutikhetsela lokuniketelwa nguMtsetfosisekelo. Umuntfu ngamunye kumele akwati kutikhetsela ngekutisandzela kutsi ingabe ufuna kuboshwa yimitsetfo yemango lelandzela temasiko;
- I-TCB igcile ezingeni lebhuholi bendzabuko ngaleyo ndlela igcine ingasanaki lalamanye emazinga ngekwehlukana kwawo kanye netigaba teligunya letemasiko;
- Yenta baholi bendzabuko babe ngibo kuphela tikhulu tendzabuko letengamelako. Loku kwenta emandla abe sendzaweni yinye kumuntfu munye lokungenteka kube nekushayisana kwetimfuno eludzabeni loludzingidvako. I-TCB inika baholi bendzabuko emandla ekwenta umtsetfo, kwetfula umtsetfo kanye nekuncuma ngekungevani lokubangwa tento tabo tekuphatsa. Ngalandlela i-TCB yenta kube matima kuvivinya nobe kuphosa inselele tincumo letingakafaneli;
- Indzawo lokulawula kuyo tinkantolo ngekweMtsetfo tibukela phasi kubaluleka kwetincumo letitimele lokufinyelelwa kuto mayelana nekutsi ngubani lokumele abekwe licala esikhalweni lesifakiwe. Kubekwa licala kumele kwentiwe ngalokwehlukile;
- Ngetekwaba netindlela letilandzelwakoleticacile etikhalweni letifanako, futsi kungabi nendlela yekusho ngembili kutsi hlobo luni lwekutiphatsa lokumele lugwenye esikhatsini lesitako. Umholi ngamunye angamela ngendlela labona ngayo kutsi ifanele ngaloko kube matima kubaholi labehlukene kutsi basebentise umtsetfo ngalokungafani;
- Lilungelo lendlela yekubonakala nekuvikelwa kwabomake alikabekwa ngalokucacile;
- Emalungelo ebantfwana awakavikeleki ngalokwenele;
- Lunswinyo lolunekusetjentiswa lungafaka ekhatsi kusebenta lokuphokelelwe nalokungakhokhelwa kantsi futsi lungaholela ekuhlukunyetweni kwalamanye emalungelo, ngaloko kubukelwe phasi lilungelo lekuphatfwa ngesitfunti;
- Ngaphandle kwekwepulwa kwemalungelo lasisekelo, tincumo nelunswinyo lolunyenti ngete kwendluliseleka. Loku kutawuncisha bantfu lilungelo lwekutsi ludzaba lwabo lulalelwe nobe lwendluliselwe enkantolo yemtsetfo webantfu.

Sikuphi nyalo?

I-TCB yatfundzeni etifundzeni kantsi kulalelwa kwetimvo tebantfu kwentiwa ngaMabasa neNkhwenkhweti 2012. Kwaba nebumatima bekutsi letiwombe tekulalelwa kwetimvo tebantfu tabitwa kanjani; bobani lebebatengamele; bebakwati yini bantfu kutikhulumela; tihlelo tekutfufwa kwebantfu bete kuletiwombe. Nanobe kunjalo, leminyane imimango yasetindzaweni tasemakhaya yakwati kusebentisa lelitfuba kute itibandzakanye ne-TCB.

I-SAHRC, ngekuhlanganyela nebadlalindzima esiveni, babamba tifundvosikolo mayelana ne-TCB kantsi bebakhona etiwombeni tekulalelwa kwetimvo tesive. I-SAHRC, kanye nalabanye labanyenti benta tetfulo temlomo naletibhaliwe mayelana ne-TCB eKomidini lePhalamende lelibukene neTebulungiswa kanye Nekutfufukiswa Kwemtsetfosisekelo. I-SAHRC yaphindze yaveta kukhatsateka kwayo nge-TCB isebentisa titeshi temsakato wemango letahlukene.

Tishayamtsetfo Tetifundza tayivuma i-TCB, kantsi tonkhe tifundza ngaphandle kwaletimbili tayala i-TCB ngaloluhlobo lengalo kwanyalo, leletinye tifundza tayala tase tiphakamisa tingucuko kumibandzela lekhona. Ikomidi ye-NCOP yabese itsatsa sincumo sekufaka eluhlelweni lokutsite lokungasiyo incenye yekulandzelana lokuvamile kwekubukana nemtsetfo lohayiwe – lesinye sinyatselolesengetiwe lapho tifundza tibuyisela emuva yona le-TCB kute tikwati kuphindza luhlelo lwekubonisana bese tibuyela emuva eKomidini le-NCOP lihlandla lesibili ngekutfunywa lokutsite.

NgeNgci 2012, Indvuna Yabomake, Bantfwana Nebantfu Labanekukhubateka yaveta kukhatsateka nge-TCB. Litiko Letebulungiswa Nekutfufukiswa Kwemtsetfosisekelo, lokungilo lelibukene ne-TCB, laphawula kutsi ngete yahociswa i-TCB, kepha kutakuba netingucuko lelitakwentiwa ngulabamele liKomidi le-NCOP.

Indlela Yakadzeni Yekusombulula Kungevani

Kute i-TCB ibe ngalokusemtsetfweni, kumele icinisekise kutsi ibhalwe ngemuva kwekubonisana lokuphelele lokufaka ekhatsi imimango yasetindzaweni tasemakhaya, kakhulukati bomake, labahlanganiswe ndzawonye ngendlela lekhutsata kudlala indzima ngalokuphelele nalevikela konkhe kwesatjiswa lokungaba khona. Lesi sidzingo sekutsi kulungiswe tinkinga letikhona njenganyalo letibalwe lapha ngenhla.